

Aagayaarnaqtuq Nauhimayuq Aaniariipkutilu Apiqutauginaqpaktut (FAQs)

1. Hunauvat hivituvaaqutit aktuqnit aagayaarnaqtut nauhimayut aaniariipkutini?

Hivituvaaqutit aktuqnit aagayaarnaqtut nauhimayut atuqnit ukuagulaaqut:

- Quviahukhutik hailiuyaaqhutiklu;
- Ihumalukhutik ingumavlutikluniit;
- Huugitunik tautuuyaaqhutik ihumaqliqhutiklu;
- Hiniliaqniq;
- Puigulaaliqniq;
- Ayuqhaqtut ihumatiariamikni;
- Niriymainaliqhutik;
- Uumat aulariqhivaktuq;
- Aulariguiqhutik upinahaqpaqhutiklu (imaa, akhalutituumik aqulutik) unalu
- Paniqpaqhuni qaniq igiaqlu.

2. Hunauvat hivituyumi aktuqnit aagayaarnaqtut nauhimayut aaniariipkutini?

Hivituyumi aktuqnit aagayaarnaqtut nauhimayut atuqata ukuagulaaqut:

- Agiligiaqnit ihumami aaniarutit ukua ihumaalukniq, ingumaniq, huugitunik ihumaniq, ukunaniluaq nuatqatiriini inujuhiqaqhimayuni ukuniga aaniarutiqaqhimayunik.
- Ayuqhaqtut itqaumayaamikni, ihumaqatiaqniqmik, ihumagihimaaginaqniqanik huliyaq ihumaliutiariaganiluniit aagayaarnaqtuq nauhimayuq atuqatainaraagat (ublutaraagat amigaitqianikluniit ubluani).
- Higiami aagayaarnaqtut nauhimayut aniqhaarutini timimi pijutaulaaqtut ukuniga:
 - Qalaktuqniqmik;
 - Huvuqtuuyaaqtut aniqhaaqtaqhutik;
 - Aniqniq naitpaqhuni;
 - Hukatuuyaaqhuni hatqariyaa inuup; unalu
 - Igatautivluni aniqniqmi aniarutiqaqat.

3. Hunauvat ilagit aaniarutaulaaqtut aagayaarnaqtuq nauhimayuq atuqaat?

- Ilagini inuit, aagayaarnaqtuq nauhimayuq atuqaat ihumami ihuiljutaulaaqtuq huugitunik, tautuuyaaqlutik, ukunaniluaq inukni:
 - atuqhimayunit aagayaarnaqtunik nauhimayunik ukiugitutik;
 - aagayaarnaqtunik nauhimayunik atuqatainaraagat (ublutaraagat ublutatuluniit; uvaluniit
 - nanminik nuatqatiniluniit inujuhiqaqhimaniqata ihumaqatiaginiqmik tautuuyaaqnutunikluniit huugitunik.

- Aagayaarnaqtuq nauhimayuq atuqniga inulramiutiluni pijutiqaqtuq aalaguqniqnik qaritap ihuilijutaulaaqtuq nauvalianigani atuqtauniganiklu. Una taimaituq qaritaq iniqtilimaginmat 25-nik ukiuqaliqaqtinagu inuk.

4. Aagayaarnaqtuq nauhimayuq aaniqnaitqiyauva tipaakumit?

Aagayaarnaqtuq nauhimayuq aaniarutaugiluni pilimaitut atuqluaqat tipaakumik. Aagayaarnaqtuq nauhimayuq hiraaq piqaqtuq ajikutainik avuvaluknik tipaakumik higaaqniqmit. Ukua avuvaluit ihuitumik aktuqniqaqtut aaniariipkutini aniqharutini ihuilijutauvluni kagutiqaliqnikmiluniit. Inuit atuyuuktut aagayaarnaqtunik nautianik higaaqhugu manigiarutauyuq aniqnaqtunik avuvaluknit una higaaqniq hiluyauvakmat puvakniikhaaqpakhunilu hivituyumik.

5. Aaniqnaitpa nutaqani inulramiqnilu aturiagani aagayaarnaqtuq nauhimayuq?

Aaniqnahuquurnaqtuq nutakani inulramikniluniit aturiagani aagayaarnaqtunik nauhimayunik aniqhaaktariaganiluniit ihianik aagayaarnaqtumik nauhimayumik atuqtuup.

Aagayaarnaqtumik nauhimayumik aturiagani aktuqniqaqtuq ilaglinik qaritami nauvaliayuni una inulramiq (25-nik ukiuqaliqat). Atuqataqniga aagayaarnaqtut nauhimayut inulramiuvluni ihumaaluknaqhijutaulaaqtuq huugitunik ihumaqaqpalianiganik, ihumaaluinaqngiganiklu inuk.

Aagayaarnaqtuq nauhimayuq atuqniga aulaqlirutaulaaqtuq, ilihatiaqiniqmik, atuqniqaqlunilu ilitpaliajuhiqnik.

6. Aaniqnaitpa higaiyuut maamaktitiyulu iviagiqmiknit aqnat aturiagani aagayaarnaqtunik nauhimayunik?

Aaniaqnahuquurnaqtuq higaiyat maamaktitiyulu iviagiqmiknit aqnat aturiagani aagayaarnaqtunik nauhimayunik.

Aagayaarnaqtunik nauhimayuni aturiagani higaiyutilugu inuunigani uqigligiarutauyuq nutaranuami aktuqniqalaaqtuqlu pivalianigani inuhigaqngiganilu nutaaqap iniqniqutpalianiganulu.

Ihumami aalagurutauluaqpaktut ilagiyaa aagayaarnaqtuq nauhimayuqmi (THC) atautimugutaulaaqtuq iviagiup ituani maamaktitiyuni amaamauyuni. Ihumaluknaqniaqtilugu maamauyumi nutaqamilu, maamaktitiyut mamauyut atuguyaugitut aagayaarnaqtunik nauhimayunik.

7. Aaniqnaqtuqaqa pijutauyunik aniqhaqtaqat puyuanik aagayaarnaqtumik nauhimayumik higaaqtuup?

Taja, ilituqhautit ikitut ihumaluknaqniganik aniqhaaktaqat puyuanik aagayaarnaqtumik nauhimayumik higaaqtuup. Kihiani, qauhimayauyuq aagayaarnaqtumik nauhimayumik puyua piqaqtuq amihunik ajikutainik kagutimik aanarutiqaliqniganik tipaakunik puyuanit. Nutaqat inulramiilu inuit, higaiyalu aqnat, maniyariaqagitut inmiknik puyuanik aagayaarnaqtumik nauhimayumik higaaqtuup.

8. Hunauvat ukua aalaganigit havautikhat aagayaarnaqtunik nauhimayut niriiallakhautilu?

Havautigivlugit aagayaarnaqtut nauhimayut atuguvagait taaktip namakhiyaagani aniarutauyuq. Havautigivlugit aagayaarnaqtut nauhimayut aturiagani atuquijut piyauvakhunilu maliruaqaqtunit laisqaqtuniluniit hanahimayumit Kanatami.

Niriiallakhaut aagayaarnaqtuq nauhimayuq piyauvaktuq atuquyayuyumit atuqtauvakhunilu aalatqiini pijutini. Nariiallqhaut aagayaarnaqtuq nautiaq taja atuquyauqituq; piyauvaktut iyaqtuqhutik niuvaayinit laisqaqagitunit maliruaqagitunilu. Una pijutaulaaqtuq aaniarutaulaaqtunik hakugikniganit halumaniganilu hanayauhimayut qauyimayauginmata ilaani.

9. Ayuqnagitpa ipiralaiqniganik aagayaarnaqtuq nauhimayuq?

Iya, ipralailaaqtuq aturiagani aagayaarnaqtuq nauhimayuq. Ilagit inujuhiuyut pijutiqaqtut aagayaarnaqtuq nauhimayuq aturumainaqniganik ilaqalaaqtuq ukuniga:

- Pivagiagani agiyuut havaat havakvikmi, ilihaqvikmi, agirlamiluniit;
- Ipiraqniganik atuqniqaqtuq inujuhiuyuq, havaaq, niriiallakhautiniluniit hulijutini aagayaarnaqtuq nauhimayuq atuqniganit;
- Atuqniga aagayaarnaqtuq nauhimayuq qaguguraagat igataumayumiklu, hivituuqiyamikluniit atuqtaunahuagitkaluaqtilugu taimaatut;
- Atuqataruiqpalianiganik munariniganiluniit aagayaarnaqtuq nauhimayuq atuqniganik.

Ikayuqtauyumaguvit aagayaarnaqtuq nauhimayuq aturumainaqniganik, uqaqatiqalaaqtutit taaktimik ihumaliqiyiluniit munaqhi nunagiyaqni munaqhiqaqviki. Hivayalaatatilu ukua Nunavumi Kamatsiaqtut Ikayuqtuiviat atiunik uqayuitut angiaginiarialu hivayaqtut ikayuqtauyumayut akiitumik uvuga 1-800-265-3333.

Naunaiyaqviuyut quuliyuni hivuniqhijutikhanik qahaktut tuukhigaukpata Havakvianit Aaniaqtailiyuliyit.